

# Galicia Encantada



ANIVERSARIO  
2005 \* 2025  
Enciclopedia de Fantasía Popular de Galicia

## Festas e mitoloxía relixiosa

### *A Encarnación, a Concepción e a Virxe embarazada*

#### **O misterio da Encarnación e o da Inmaculada Concepción**

Un dos grandes misterios da xestación de Xesús é a chamada Encarnación. A Incarnatio, facerse, volverse ou converterse en carne, que celebra a igrexa o 25 de marzo, xusto nove meses antes do Nacemento do Neno. Segundo explica Tertuliano «o Raio Divino, que é o Verbo e o Logos, descendeu a unha Virxe, tomou carne no seu seo e naceu, home e deus á vez».

Outro misterio é o da Inmaculada Concepción, que celebra a igrexa o 8 de decembro, un dogma proclamado polo papa Pío IX en 1854 mediante a bula Ineffabilis Deus que di «□ que a Virxe María foi preservada inmune de toda mancha da culpa orixinal no primeiro instante da súa concepción□»

#### **O embarazo e as Virxes abrideiras**

As representacións da Virxe embarazada foron recorrentes tanto na pintura como na escultura ou noutras manifestacións artísticas, ao longo dos séculos, incluso con advocacións diferentes como a Virxe da O, da Esperanza, do Bo Parto, Nosa Señora Preñada, do Libramento, da Expectación□

Tiveron moito éxito nos tempos medievais as imaxes das Virxes abrideiras como a que se conserva en Allariz, no Museo de Arte Sacra do Convento de santa Clara, ou a máis modesta de san Salvador de Toldaos, en Triacastela,



esta cunha representación da Santísima Trindade no interior.

A Virxe abrideira de Allariz é unha talla en marfil de finais do século XIII que garda no interior unha representación do misterio da Encarnación con imaxes da Virxe e do Neno.

Curiosamente, esta magnífica peza foi das poucas que se librou da ira da Inquisición cando lle deu, entre os séculos

XVI e XVII, por destruír estas imaxes por considerar inmoral que se puidese ver o ventre da Inmaculada.

Quere a lenda que a Virxe abrideira de Allariz fose feita polo infante don Henrique, fillo de dona Violante e de Afonso X, O Sabio, pois o infante era mudo e, nada máis acabar de tallar a imaxe, deu en falar.

[Extracto do libro [Trece noites, trece lúas. Libro das marabailas do Nadal \(Mitos, ritos, lendas e tradicións do Nadal en Galicia e no mundo de arredor\)](#), Xerais, 2011]

As ilustracións son de [Noemí López](#)